




نسخ وادست

۱۳۳۶



بکون بیلنیر قسقه، مجموعہ ملایما
پہ چوق آرائیر اور تہ، ۶۸۰ و تہیز

ایتدک شرف خدمت اجدادی فراموش
آثارینہ اسلافزک رغیب اولمیز

جامع شریفی ده باب عالی به پک یاقین اولدیغندن وذات فخامتآب
صدارتپناهیلرینک بالذات تشریف ومعاینه بیورملری عموم نظرندہ باعث
کال تقدیر اوله جنی کچی ولی نعمت بنی متمیز پادشاه ذیشانمز سلطان محمد
خان سادس اقدامن حضرتلرینه خیر دعا آلدیرمش اوله جفکزدن
وعاجزلری ده باب عالی به کلش بولندیغندن لطفاً بالذات تشریف بیوریکز.
اکر بوعرض ایتدکرم یالان چیقارسه بکا هر بر جزایی اجرا ایدیکز.
راضی یم . عرض ایتدیکم تمامیلہ موافق حقیقت اولدیغنی کورنجه ، الله
رضاسی ایچون اوقاف هایونه برناظر تعیین بیوریکز . زیرا ناظرک تعیینی
آرزو ایتینلر سوء استعماللرک میدانه چیقمامسنی واستفاده لرندن کیرو
قالماسنی ایستیان بعض آدملردر .

خصوصیلہ شمدی ناظر تعیین اولنمز ایسه کله جنک قیش موسمنده
دخی استانبولک صوسنز قاله جنی شبهه سزدرد . قریباً کشاد اوله جق مجلس
مبعوثانه قارشی بن یکی ناظر تعیین اولندم اسکی معامله لرذن ویولسزلقلردن
مسئول دیکم دیماک محل قالماق اوزره اوقاف هایون نظارتی وکالتله
اداره دن صرف نظرله بهمه حال وبلا تأخیر برناظرک تعیینی سلامت مصلحت
نامنه عرض اوانور اولبایدہ وهر حالده امر وفرمان حضرت ولی الامر کدر .

این هیئت اصلاحیه اعضای سابقه سندن
ملت کتبخانه سی ناظری

علی امیری

ذیل مجموعه

کرچه صدر اعظم پاشا حضرتلری لطفاً معروضاتمی استماع وتلقى
بالقبول بیوردی . اوقاف معماری طلعت بکی جلب ایدرک فیروزاغا
جامع شریفنک وکوبریلی کتبخانه سنک همان تعمیراتنک اکالی حقندہ
تبلیغات اجرا ایتدی . فی الحقیقه برقاج کون صکره فیروزاغا جامعی جوارندن

کچدیگمده اوسته لرك ایشلمکده اولدینغی کوزدم . اکر مقصدم حضور
صدارتپناهی یه قبول بیورلمق و کوپرلی کتبخانه سنک و یاخود فیروز اغا
جامعک تعمیراتی اکیال ایتدیرمکدن عبارت اولسه یدی . نیم ایچون
آرتق کافی کوریله بیلیدی .

حالبوکه اوقاف نظارتنک بر ، ایکی ، اوچ ، بش دکل میلیوندن
زیاده کوریله جک مهم ایشلری وارددر . ایش باشنه مقتدر بر ناظر
کتیرلینجه معمارطلعت بکه وحتی عموم اوقاف مأمورلرینه بیک تنیهات اجرا
بیورلمش اولسه ینه نتیجه مطلوبه حاصل اوله ماز . کرچه کرک اوقاف
مستشاری بک افندی و کرک رأس کارده بولنان عموم اوقاف مدیرانی
مقتدر وای ذاتلردر . اکر یالکز ارکانک ای اولسی ایله ایش بیتسه یدی
اوقافک شمدی یه قدر هر مصالحی حسن صورتله کورولمش اولوردی .
یا ایچون کورولیور؟ اوت ، کورولیور؛ چونکه ایش باشنده جدی بر ناظر
بولنمزه امین اولکزرکه قیامته قدرده کورولمز! دنیاده هانکی بر قویون
سوروسی کوردیکزرکه بر چومانی بر نکهبانی بولنسون .

دعا بر ماه اول استانبول ولایتک اوقاف مدیرتی سنوی ۱۳۵۰ لیرا
ایجارله نور عثمانیه جاده سنده آلتده اصناف دکانلری بولنان قاوکی قوری
بر اخشاب خانه یه نقل ایندی . خداناکرده بر حریق ظهور ایدرسه او
قیوداتک ، اود فترلرک حالی نه اولور؟ وقاف محکمه سی ، اوقاف اقتصاد
بانقہ سی هربری بر یرده ایبار ایله اوطوریور .

مسموعات موثوقه مه نشر آوایان اقتصاد بانقہ سی جبار افندینک
خاننده اوچ سنه لکنی اوچر . ب . ایرایه طوتدین دأثریه الی بیک
لیرالقی تزینات اجرا و موینه . محکم ایتدیرمشدر . حالبوکه او دأثریه
شمدی اون بش بیت لیرا ایبار ویریور . جبار افندی چیقملری
ایچون محکمه یه مراجعت بیله بئشددر . بری طرفده شهزاده باشنده
چاتیرینه . قدر مکمل صورتده بر قاچ سنه اول اوقاف نظارتی طرفندن
بر دأثره عظیمه یا بئشددر که اکر شمدی یه قدر ایش باشنده بر ناظر

بولوب اکال ایتدیرمش اولستهیدی هم اوقافک اقتصاد بانقہ سنی
هم استانبول اوقاف مدیریتنی هم محکمه شرعیہ اوقافی اداره ایدم جکندن
سنوی بیکلرجه ایرالق ایجارلر خزینہ اوقانہ کار قاله جقدی. او بنای
معظمده هنوز اکال اولمزدن بویله آجینه جق بر صورتده خراب اولغه
باشلامزدی .

دها بیلیم هانکیلرینی عرض ایدیم ! آیاصوفیه جامع شریفک
اوست طبقه لرنده طاغیر قدر اوراق و دفاتر وار ایدی . بوندن درت
بش سنه اقدام تصنیف اولمق ایچون اوقافدن یومیه ایله بش اون کاتب
تعیین اولندی . سنه لرله یومیه لر ویرلدی. آوستریا ایمپراطور سابق در سعاده
کلدیکی وقت بلکه اورالرده چیقار مطالعه سیله اوراق مذ کوره قارمه
قاریشیق بر صورتده بر طاقم رطوبتلی یرلره آتیلدی . ایشتدیکم بر چوق
روایات صحیحہ به نظر آ در تیوز سنه دنبری حفظ ایدیلان او مهم اوراق برایکی
سنه دنبری بر اقیلان اورطوبتلی یرلرده بر خیلی قسمی چورومش و متیاقیسی ده
چورومک اوزر مایمش . بر قسمی ده سواقه ناظر آچیق وجسیم بر بنجره دن
شدله اسن روز کارلرک تأثیر یله قوش کبی هوالرده او چوب کیدیورمش !
آرایان یوق، صوران یوق.. واد زواللی اوقاف، واد زواللی اوراق !. بو اوراقک
تاریخیمزه اولان تعلق عظیمی بر طرفه براقه لم، بقالئره صاتیلسه اون بیک
ایرا قیمت کتیرر. نیچون بویله محو اولوب کیتسون . اوقاف موزه سندن
یوزلرله سجاده لر صور غوجلر سائر قیمتی شیلر آشیرلسون . حکیم اوغلی
علی پاشا جامعدن عربه لرله چینی لر چالینسون، استانبولک بیکلرله چشمه لری
آقاسون، حریق مخزنلری قوپ قوری قالسون، صوجینر حله چشمه لرینک
صولرینی اهالی به اجرتله صاتسون، صوکرده اوقاف نظارتنه بر مقتدر
وحیتلی ناظر تعین اولمسون ... بو حاله آقان صولر طور مزهی ؟

بن او یله قیاس ایدیورم که هیئت وکلا حضراتی آیاصوفیه به کیدوب
چوروتدورلمکده اولان اوراقک حاله باقسه لر واوندن حکیم اوغلی علی پاشا

جامعہ کیدوب اوقیمتلی چینی لرینک چالمنسندن طولای مزین لباسلرینی ضایع ایدوب عریان قالان نازنین بر وجود شکلی آلان او جامع شریفی ودها سائر بو کبی محملری مشاهدہ ایتسہ لر پک متأثر اولوب آغلار لر . موجودیت وحق بقامزک براہین معظمہ سندن اولان وپای تختک زینت مخلدہ اسلامیہ سندن بولنان جامعلر وچشمہ لر بو حالده می براقیلر لر . یازیق دکلر می؟ اومت : وکلای دولت وظیفہ معظمہ ایله مشغوللردر . لکن جمہ کونلری جمہ نمازی ایچون اولسون اوتوموبیللرینہ بینوب ہربری بر جامع شریفہ کیدوب پریشان اولان جامعلرک، چشمہ لرک حاللرینی کورہ مزلر می؟

نصرتیہ جامع شریفی جوارندہ کی اہالیدن بعض ذوات، جامع شریف مذکورک آتی آیدن بریدر علمی دوشدو کفی و وکلای دولت حضرتانی ہر کون اورادن کچدکلری حالده بویلہ شاہانہ بر جامع شریف علمنک بیلہ یرینہ کچیرلمسنی امر ایتدکلرینی کمال تأسفہ بکا سویلدیلر و کباردن بر ذات دہ بومستثنا جامع شریفک بویلہ علمسز طور مسنک پک چیرکین اولدیغنی بعض محترم اہالینک اخطاری اوزرینہ اوقاف نظارتہ دفعات ایلہ تبلیغ ایتدیکی حالده آدی ران اولدیغنی سویلدی . شیخ الاسلام اقدی حضرتلری دہ داخل اولدیغنی حالده وکلای دولت حضرتانک جملہ سندن من غیر حد سؤل ایدرم . انظارا جانبہ قارشی بویلہ مهم بر زماندہ بو حاللرک نتیجہ سی ترہ یہ وارہ جقدر؟ دہا نہ وقہ قدر اوقاف نظارتہ جدی بر ناظر تعین اولنیموب موہوم وکالتلہ ادارہ اولنہ جقدر . و پک چوق ضرردن بشقہ بوندہ نہ منفعت واردر و بو حال ہانکی اصول وقانون ونظامہ تطبیقاً یاپیلیور؟ اما دینیلہ جک کہ صلحی بکلیورز . اللہ ایچون سویلنلسون ، جامعلرک چشمہ لرک خیراتک حسن تعمیر و محافظہ سنک صلحہ انتظارہ ہیچ بر مناسبتی وارمیدر؟ وجدانم ، اویلہ بر ناظرک تعین بیورلمسنی ارزو ایدر کہ جامعلری ، مسجدلری ، مدرسہ لری ، چشمہ لری دور ایتسون . اماملرک مؤذنلرک مدرسلرک خدمہ لرک تربہ دارلرک و حتی صو یو جیلرینک بیلہ شخصیتلرینہ ترجمہ حاللرینہ ماہیت مسلک لرینہ واقف اولسون وفہرست .

کبی از برنده بولسون اولوقت، استانبول کبی بر پای تخت نه بویله صوسز
نه ده اورتیه ده دوامیز و خرسز قالیر. اکر بویله یا پلز ایسه بو قدر
پادشاهان عظام عثمانیه و سائر اصحاب خیرات اسلامیه نك پای تخت سلطنت
سنیه ده موجود اولان جامعلری چشمه لری مبانی خیره لری، چینی لری،
مزینات تاریخیه بی حائز آثاری، آرز و قنده طرف طرف محو اولور
کیدر و کیتمکده در.

تاریخ مستقبل مهم اسباب اضمحلال نك باشیلجه لرینی تعداد
ایتدیکی وقت الك اقدام استانبول کبی بر پای تختك خیرات و حسنات
وقفیه سنه باقادیغمزی تعداد ایده جکندن بن ایشته شمیدن شو معروضاتمه
تاریخ نظرندنه تبری نفس ایلورم.

بناءً علیه باب عالی نك اوقاف همایون کبی دین و دولتجه پك مهم
اولان بر نظارت و اوصاف مطلوبه بی حائز بر ناظر تعینی - خصوصنده کی تعللی ایله
عذر ملک ایدلمسفی انظار امته قارشی وظیفه تاریخیه نامنه شدتله پروتستوایدرم.

— عیناً —

حضرت استاد،

بنم شعره انتسابم یوقدر. فقط سزه محبت و حرمت پك چوقدره.
کچلرده دوشونورکن حضرتنه شو حرمتی نصل آکلاتسم دیدم.
نثراً طاتسز اولاجق. نفعلاً، اوکا بن قادر دکلم. بر تجربه ایده یم دیدم.
تقدیم ایتدیکم مصراعر و وجوده کلدی. کندیمی مرتبه بالای شاعریتمه
ظن ایتمکدن حجاب ایتدیکم ایچون آدیمی یازمیورم، سز بیلکیز.
بنی پك ای طانیروسوه رسکیز فضل و عرفانکیزی کمال صمیمیتله تقدیر ایدنلردن
اولدیغمی ده بیلیرسکیز. شیمدی یه قدر قوه حافظه کزک قدرتنه، تاریخی
وادی معلوماتکزک وسعتنه حیراندم؛ بو سفر کرامتکزه ده قائل
اولاجنم. حرمتله اللریکزدن اوپورم. ۱۷ ل ایلون ۳۳۵